

subtus cum pedibus, nigrum opacum, subtilissime punctulatum.

48. *PACHYTA AEMULA* Boeber.

*Nigra, tenue griseo-pubescentis; capite crebre punctato, posteriorius parum attenuato; thorace rufo, crebre punctato, antice leviter constricto, in medio abrupte canaliculato, lateribus obtuse angulato-productis; elytris glabris caeruleis vel cyaneo-virescentibus, profunde et crebre punctatis, abdomine fulvo.*

Longit. 4 — 4½ lin. Latit. 1½ — 2 lin.

LEPTURA VIRGINEA Var. *Gyllenh.* Ins Svec. IV. p. 33. 34.

PACHYTA RUFICOLLIS *Mannerh.* olim in litteris.

Habitat ad Irkutsk DD. *Sedakoff* et *Stschukin*; ad Nertschinsk, D. *Wladimirsky*; ad Kiachtam mense Julii in floribus frequens, D. *Popoff*.

A *P. VIRGINEA* *Linné*, quae in Sibiria orientali haud occurrit, capite posteriorius minus angustato, oculis vix prominulis et thorace rufo, crebrius punctato, antrorsum minus constricto, supra evidentius abbreviatim canaliculato, lateribus minus producto, elytrisque longioribus, posteriorius magis attenuatis, species reapse diversa. *P. VIRGINEAE* Var. *NUPTA* *Mulsant* mihi plane ignota. Caput oblongum, crebre punctatum, subrugosum, posteriorius modice angustatum, nigrum, opacum, griseo-pubescentis. Antennae nigrae pubescentes, feminae longitudine dimidii corporis, maris longiores. — Thorax latitudine paullo longior, rufus, undique crebre punctatus, lateribus in medio modice dilatatus, anteriorius parum constrictus, transversim impressus, apice truncatus, basi leviter bisinuatus, postice leviter etiam transversim impressus, in medio canalicula longitudinali abbreviata, interdum laevigata. Scutellum obtuse triangulare, nigrum, dense pubescentis. Elytra thoracis basi duplo

latiora, illo quintuplo longiora, intra humeros rotundatos et ad scutellum utrinque impressa, longe pone medium versus apicem modice rotundato-angustata, sutura et lateribus reflexo-marginata, profunde, versus latera crebrius, punctata, glabra nitida, caerulea vel cyaneo-virescentia. Pectus nigrum, subtilissime punctulatum, dense griseo-pubescentis; abdomen sublaevigatum, nitidum fulvum. Pedes nigri, opaci, griseo-pubescentes.

49: *STENURA SEDAKOVII* mihi.

*Elongata, angusta, nigra, supra atro-pubescentis, subtus flavo-sericea; thorace oblongo, crebre punctato, basi bisinuato, angulis acutis, extrorsum recte protensis; elytris punctatis rubris, postice dimidiatim nigris, singulo macula subrotundata postica rubra, abdominis segmentis secundo, tertio et quarto rufis.*

Longit. 4½ lin. Latit. 1½ lin.

Habitat in vicinitate urbis Irkutsk, D. *Sedakoff*.

*ST. BIFASCIATAE* *Schrank.* (*CRUCIATAE* *Oliv.*) valde affinis, thorace latiore, minus crebre punctato, angulis posticis magis recte extensis, longioribus, elytris remotius punctatis, postice dimidiatim nigris macula rubra et abdominis segmentis primo et quinto totis nigris distinguenda. Caput elongatum, creberrime punctulatum, nigrum, atro-pubescentis, vertice obsolete excavato. Antennae longitudine dimidii corporis, nigrae opacae. Thorax latitudine duplo longior, apice truncatus, in medio lateribus modice rotundatus et dein versus apicem angustatus, pone medium sinuatus, basi bisinuatus, angulis extrorsum recte protensis, acutis, niger subnitidus, atro-pubescentis, profunde sed minus crebre punctatus, intra basin utrinque transversim profunde impressus ibique in medio tenuissime canaliculatus. Scutellum